

徐水留別詩存

辛酉留別徐水父老子弟絕句二十首

附述生平
用爲紀念

貴池桂老辛貢稿

三年公僕未偷閒旱澇頻仍稼穡艱力拙心勞慚鶴俸祇今贏得鬢毛斑

民國六年大水七年春余權邑篆辦理賑濟河工九

年大旱查災捕蝗十年
霍災又辦賑撫平難焉

蠶旱除蝗保乂安乘騎一出萬民觀只因鬚鬢皆斑白惹得兒童叫老官

第一功名在慎刑敢云案牘日勞形猶人聽訟殊慚報羅雀終難此法庭

宵小潛蹤四境綏無多警察尙堪爲寬籌經費增名額路上將期不拾遺

王公地租附收幣捐年約四千餘串增餉加額有差

圖富強須小國民校中教育重精神師資傳習縣縣繼半得束脩半作人

國民學校師資缺乏籌設長期師範講習所

養生命脈重農林掘井湏多更喜深苗圃籌成三載後會看遍地綠成陰

農會林業公會挖井會縣苗圃均分別籌設擬章進

行

河流環邑任縱橫夢寐尋思水土平堵築疏通工漸畢一勞永逸看春耕

堵築決口十餘處疏通屯莊河濠河雞爪河

南北分流說瀑河只因滾水壩爭多重修費盡千般力從此人和土脈和

重修岔河口滾水壩另有碑記

徐水留別詩存

鐵路聯縣距北關舊行大道似弓彎籌修通利橋非易保護城鄉要一般

通利橋係安通要道商會李君近之熱心籌款興修

余亦捐廉補助之

奉命組成會議廳預爲自治擬模型無私公正心須熟留贈諸君作誌銘

會議廳成立後每月會議獲效良多

選舉三年已兩回財才二字費疑猜崇銜愧煞初監督怕聽宣傳運動來

軍需支應本非常全縣公攤諒不妨審察擬成補助數大家認可勿參商

支應軍需虧款甚巨原擬全縣公攤經公舉審查員

詳查後擬定分別補助以昭公允

防匪無如保衛團互相聯絡各村安龍花斃賊真雄健從此奸徒莫敢干

龍花村保衛團擒賊斃賊辦理得法捐廉獎給四十

千以資鼓勵

各村長佐給圖章信守昭昭假冒防更印湏知書一冊果能照辦福無疆

各村長佐各頒給篆文圖章一方村長佐湏知一本以

便遵照辦公

田房監證設稽查驗契遵章保世家國稅增收民樂業切休減價聽私牙

田房監證奉令歸村長佐担負完全責任因另設監

證稽查每區一人契稅溢收兩千餘元

肅清髮辮竟難能審案嚴查斷若繩搔首自思應一笑上堂豚尾下堂僧

愚民愛護髮辮屢告不剪因於訊案時不問原被查

出有辮者當堂剪除之

蓮步弓彎不易除會名天足又何如欲求逐漸收功法木底坤鞋一律鋤

提倡天足未收功效復飭警所先行禁售木底坤鞋石橋王允慶允祥胞兄弟爲爭遺產三訴不休余深

愧爲化未半焉

海棠唱和印詩存又悼亭亭倩女魂老斲輪眞美哉奐愧余弄斧近班門

張紳奐之詩詞中老斲輪手也歷承賜教欽佩無似

悼妾詩更示以擇選付梓深感其言

一官到處卽爲家好飲耽吟興不除更有春秋佳會日每分餘潤購名花

三月九月廟會往往購雜花水仙等回署培植之亦

嗜好也

自述生平

桂巖號玉輝行四四十歲後別號老辛安徽貴池縣梅村人曾祖妣氏王旌表節孝祖考文彥公旌表孝友考禮巖公花翎二品銜軍機處記名直隸候補道辦理河工賑務垂三十年支欵

百萬左右家無長蓄飾終無資合肥李太傅賻以千金始得治喪建德周玉山制軍輓聯有廉吏可爲之句是節母之曾孫孝子之孫廉吏之子也十五失怙勵學自立著有晚香齋吟草旅汴族杭隨筆錄親民錄編有中國司法改良記梅村桂氏全集均未付刊庚子後京師初設東文學社吳摯甫先生送入肄習東文專科資以膏火贈以句曰正始風流起頽俗少日才華接貴游凡爲論說呈吳先生改正有俄約論一篇尤蒙獎許甲辰考入北洋巡警學堂拔充班長因教操日本人輕侮學生力抗幾被斥革畢業後調充天津南段巡警總局幫審員旋調充警察課長是時中國警察方在萌芽規訂辦事章程丙午天津巡警劃區調充二局第三區區長俄國租界工部局來區境內查傳人證竟不知會當截留與之交涉卒按會傳辦法是年日俄戰爭我國嚴守中立奉委密查奧義俄各國租界有無違禁事件丁未調充京奉鐵路巡警第三局局長創定各項辦公規則屢因警權與英法日本駐軍交涉均獲圓滿結果在差三年另兩月結案二百餘起己酉調充天津南段巡警總局行政科長庚戌調充四鄉總局提調旋因直隸改設巡警道調充道署衛生行政等科正科長咨部立案是年冬警道易人遂請長假辛

亥充長蘆高線鐵路總局提調經營規畫至今利賴壬子調充鹿邑督銷局總辦癸丑充直隸行政公署二等科員旋辭出九月京奉鐵路昌黎車站日本駐軍擊斃鐵路長警奉委偕日本使館參贊交通外交部派員調查辯明案結日本賠償二萬六千元十月調充唐山警察總署署長實行改組創設偵緝隊甲寅冬拿獲迭次搶劫昌黎遵化玉田樂亭灤縣巨盜十餘名送交天津行營發審處訊明分別鎗決監禁蒙巡按使朱調省另候差委乙卯財政部派赴山東調查鹽務緝私事宜查畢報告治本治標辦法銷差丙辰出遊泰山有登泰吟稿丁巳充皖南茶稅總稽查戊午直隸省長曹委署徐水縣篆新年撰大堂聯曰十閱月力拙心勞凡事盡其在我一週年政平訟理庶幾無愧於人已未贍屬各村卽以政平訟理四字製傘相遺愧赧奚如辛酉陽歷八月卸任

株水留別詩存



側聞

玉翁縣長無端猝遭砌訴未敢深信昨經啟芳先生談及始明真象自古含沙射影小人伎倆大抵如此何足介懷因呈此謔以奉勸並祈

大瑨壇嚟政

共和重平等平等胡可言君子與小人相去奚天淵君子行素位不爲恩怨牽小人心叵測遠近皆拳拳一旦失寵幸含射是所專伎倆雖鬼蜮如見其肺肝我

公蒞斯邑于今甫三年政平兼訟理可稱古之賢無端遭砌訴我聞深訝然上峯幸知遇置之于等閒不虞固有譽毀竟在求全磨涅不淄磷何損白與堅周公遇管蔡誹語且流傳武叔不知量至聖尙侮謾往昔猶如此何況值今番世本競傾軋安見王道平行險去不返終必逢蹟顛雖無大禹鼎也如鏡犀燃詎知放謔者曾爲車鑑前深嘗此中味故爾請君作達觀

民國庚申夏歷八月初吉治下古梁門張璠未是草

辛酉七月望後

玉輝桂縣長瓜代有期擲下留別七絕二十首詞霏珠玉焉敢效顰韻鬪尖叉奈難勉步而觸

人一種依戀之情若非發于歌詠亦無以上酬

雅意搜索枯腸僅擬就甘棠歌一首聊寄攀臥之忱

大作容俟稍暇和就再行郵遞先此敬呈

大吟壇教政

武遂官廳之棠陰日日濃那期召伯去匆匆召伯一去甘棠在未知何時召伯逢惟恐甘棠

日無主不如召伯終與處但願召伯與甘棠此安彼適常今古豈知天意不猶人召伯從此

竟東巡可惜甘棠爲植物不能隨欲且移根

惜生于斯聚于斯者不能隨之以去

縱令世人勿剪伐召伯思之豈

情懷仁人愛物如愛人何況甘棠公所芟我今偶作甘棠歌甘棠之影尙婆娑物之有情猶

如此召伯其奈甘棠何

古梁門張璠未是草

叩別

玉翁桂縣長七律二首恭呈

大墜壇 教政

車到先存教育心講成勸學播儒林

公甫下車會著勸學講刊
佈城鄉士民爭相傳頌焉

文章初見雲霞燦德化何殊雨露

深政布三年登上理詩留七字慨分襟行裝雖說蕭條甚中有孤寒臥轍吟

賢侯三載撫吾民胞與情懷覺最親燭照獨能平獄訟株連從未及鄉隣

訴訟牽連
公慨不准

虛堂朗

對耶峰月惠政潛回瀑水春惆悵福星今欲去難禁別淚灑車塵

治晚張元伯謹草

三載梁門惠澤深忽聞瓜代欲沾襟一方纔慰瞻韓願百姓旋殷借寇心憶我不常依道範

羨君到處肅官箴宦餘長物都無有

作宰數年
家無長蓄

伴着歸鞭祇鶴琴

兩袖清風幾卷詩琴堂人去遂城時看花每憶河陽種伐樹無傷召伯枝

公籌辦林業具有熱
心每當春令必購樹

秧多種遍植城
鄉今已成蔭矣

一路福星留惠愛萬家生佛頌仁慈循良治績三年報從此休聲四境馳

徐水留別詩存

四

治晚張元量呈稿

叔度當年到恨遲那堪三載遽分離恩孚黎庶人稱母治本儒宗宰亦師踴躍子民觀化日
淒涼祖帳賦詩時甘棠遺愛今重見署中海棠賴公培植得法去歲重見可與召伯後先輝映培護常留去後思
公明極處絕貪緣仰見虛堂有鏡懸循吏盟心如白日斯民衆口頌青天寇恂倏已臨三載
侯霸還應借一年無那上官資佐理聞公調省另有差委遂城不肯駐高賢

治晚張鴻傑就正稿

三載琴堂似水清閭閻疾苦最關情連年旱澇兼有蟲災公嘗往各區調查多方賑撫民賴生活鏡懸惟見雙鳬逸莠翦能令
巨蠹驚籌辦保衛卓有成效邑屬龍花村民擄賊報案公獎勵各區觀感盜風始息民賴以安召集士民籌上理每辦地方公益公先召集諸紳會議表決然後實行振興
學校育羣英國民學校苦乏師資自公籌設長期講習所學界漸有進步寇君如許蒼生借願率兒童竹馬迎

經濟通儒號素優牛刀小試展鴻猷來治下邑猶嫌暮去選一錢已莫留雅化津門存舊蹟
公在天津歷官警界有政聲今猶膾炙人口廉操瀑水挹清流征車底事攀難住多少孤寒淚不收

治晚張祥培待刪草

恭和

玉輝縣長留別七截二十首次序未按原詩排列以寓意之故小有變更識者諒之卽呈
大吟壇晒政

自是君才非等閒故能遠大與投艱烹鮮未許經綸展不過聊窺豹一斑
催科不擾萬民安善政何人扶杖觀撫恤情真逾骨肉在官只好卽言官
古人弼教必明刑治郅無形却有形何事居常刑不用無情不敢到公庭
第一恩膏在澤民傳經勸學每勞神儲才師範堪爲用始信吾鄉有治人
昔年堤決水縱橫曾賴督催堵築平非是病瘼常在抱如何民不誤春耕
灌溉人爭借瀑河水分北少與南多我公疏濬兼修壩雀鼠之嫌自此和
俗不宜時改舊章各村長佐弊端防以昭劃一憑書冊此界無分與彼疆
稅契遵章設調查爲增國課裕公家一塵不染人稱頌高曠無殊俞伯牙
國民學校本儒林教養兼施惠澤深他日賢侯重蒞止定看桃李遍成陰

能使人體結團聯，防保衛四民安。武城絃誦，今仍見可。否于階舞羽，千戰與南北。豈尋常支應，頻仍也不妨。幸賴維持公著意，保民兼可保僑商。斗大荒城，鐵雁關、瀑河、鷄距各灣環。橋修通利，人人便感戴恩。施總一般舊制，消除雖未能。居心不減木從繩，耽吟風雅，曾何似脫俗無殊。入定僧爲政，原期害馬除。宜兄宜弟，竟無如約，非德化難于格。秉賦原來自太初，畏服非關設法。廳閭閭亦解仰儀型，德馨自有宜人處。試讀前朝陋室銘，從來世運本乘除。花樣翻新，迥不如人道。維持歸女界，嬌柔造作竟難鋤。每將佳唱敬收存，細譯清新入夢魂。若使吟壇真不棄，早應立雪效程門。但祝君家福履綏，此邦雖小尙堪爲。如何欲效南山隱，追步當年杜拾遺。宦海奔波到處家，津沽入望路靡賒。回頭棠蔭依依際，賸有梁門一縣花。三疊陽關唱者回，二杯勸進費疑猜。送君暫向析津去，爲問何時可再來。

古梁門張璠未是草

送別

桂縣長七律二首卽希 晒正

使君蒞邑計三年古昔循良一并傳
比歲災荒悲老弱連宵鋒火遍幽燕
問民疾苦除奸宄勵士詩歌勸學篇
如此勤勞如此愼願留明鏡總高懸

驚聞遷客去天津綠柳依依賦別頻
南浦徘徊行幾匝東風蕩漾酒千巡
河陽花下思先哲召伯棠前感後人
寄語使君好珍重他年重晤樂無垠

郝叔宗未定草

恭和

留別詩二十首步原韻錄呈

玉輝桂縣長驗壇郢政

才堪大展莫投閒自是賢能任鉅艱
百里牛刀原小試未窺全豹只窺斑
少懷更見老能安明鏡高懸兆姓觀
舊制革除民不識應稱縣長尙稱官

徐水留別詩存

七

案防多誤每輕刑觀察安容有遁形訟必得情民頌德胡慚無訟草盈庭
凋敝閭閻待撫綏恩施教養及時爲賑饑疏濬防宵小百廢俱興竟不遺
循吏從來止愛民我公明哲頌如神三年興學工商事佐治多紳恰得人
傳登循吏並儒林善政宜人感化深召伯巡行堪媲美甘棠四境早成陰
萬方多難勢縱橫偃武何時覩太平令尹止期民樂業量晴課雨勸春耕
水患頻仍利潞河劇憐下隰受災多使民以義民歡忭爭築長堤保歲和
鐵路迢迢距北關沿河爭奈路多灣修橋取直行人便捷徑終南不一般
花落紛紛滿訟庭同舟人競仰芳型流風長在無終極去思豐碑更泐銘
惜別衷腸日九回就中離合費疑猜於今棄我如遺去更盼他年捧檄來
同室操戈竟反常兵兇孰保事無妨賴公竭力籌供給虧歟公攤善後商
公如冬日暖團團自奉猶能淡泊安歸去清風携兩袖俸錢依舊笑闌干
詩人敦厚屬詞章時諱先將憤嫉防公述措施民頌德謳歌四境樂無疆

行旆期同八月槎浮沉宦海等浮家作歌息訟留徐水細故何須辯鼠牙
不事刑求聽斷能正民不啻木從繩陶情詩酒偏多暇退食渾如退院僧
善政先將害馬除鳴琴而治暇何如愛花迴異風塵吏明月梅花只自鋤
仕途何事屢乘除借借寇偏教願不如似水光陰真轉瞬幾番追憶下車初
悼亡詩卷尙珍存歸去應招逝者魂後會無難重聚首停雲曾說在津門
閱闢高門舊世家夙敦詩禮戒驕奢銅梁種樹興林業差勝河陽滿縣花

古遂袁鳳藻未是草

敬和

玉輝桂縣長留別絕句二十首步原韻

勞形案牘肯偷閒都爲能蘇民力艱退食公餘多韻事裁詩習字興斑斑
安良除暴保平安德政宏施衆仰觀爲底堅留萬家佛怕難重見愛民官
不用嚴刑實慎刑小民感戴在無形潛移默化知多少明鏡高懸此法庭公善折獄

除蝗救旱萬民綏爭頌賢良大有爲榮辱須知衣食足從今不拾路間遺

圖富圖強賴國民普通教育貴精神自慚謏陋荒疎甚曾誤青年多少人

民國七年蒙公委派充任第二高小校長抱

愧良多

爲民致富重農林會議諄諄用意深掘井灌田饒大利石田脊土盡成陰

農會林業公會挖井會縣苗圃開會慰農招集

忝列大會

河流泛濫復縱橫廿載於茲總未平幸遇仁慈賢令尹爲民除害得深耕

疏通屯莊河濕河雞爪河民免水患公善於治

矣水

爭訟不休南北河引流灌溉水爭多若非令尹勤開導難得人和慶共和

車站迢遙到北關羊腸小徑比弓彎自從通利橋修建旅客商民樂一般

公捐廉創修通利橋民多便之

組織城鄉會議廳研究自治作模型無私兩字堪欽佩盟手書成座右銘

無私公正可祛病良藥證書座右以代鍼砭

息訟殷殷勸百回賞功罰罪不疑猜而今令尹遷喬去默祝他年古遂來

公著勸諭息訟詩使民吟詠

校中債累異尋常公欸償還信不妨呈請再三求補助幸蒙恩准慰紳商

第二高小校虧累甚鉅兩次請欸補助蒙公

轉詳
批准

假冒軍人第幾團沿途騷擾不相安花言巧語行欺騙拿獲賠償莫敢干

學生赴保購麵被崔玉祥冒充軍人抓車將錢

騙去幸抓獲送縣押追賠款毫無損失

師範招生有定章認真試驗冒名防滿城桃李公培養化雨春風徧我疆

公籌款立長期師範講習所預備師資以期教

育普及

田房買賣設監查稅務存儲愛國家學欺四成曾借用國民底欺仰私牙

自治稅契牙用按十分之四撥案提借補助高

小校抽收各村牙用歸國民學校爲常年底款

博學兼多折獄能小民悔過木從繩上堂曾見垂豚尾堂下依然薙髮僧

民國制度剪髮愚民不剪公於問案時剪之

幾近肅清

纏足頹風未易除婦人無識又何如國民女校能同化得見弓鞋一律鋤

公提倡天足先從教育著手易見功效

兄弟爭田情理除閭章感化有誰如琴堂德洽良心動王姓不爭亦復初

昔有兄弟爭田者聞施閭章講學讓所爭之田

爲肥田今王氏兄弟爭產公竭力勸導亦息訟不爭可謂後先濟美矣

人亡花謝詠詩存花放人難再返魂老手慣彈千古調且看桃李笑盈門

公會耆勸學歌頌發各學校詠海棠重開七律

悼亡張如夫人詩士人爭和之

人和政暇德齊家養竹栽花興最賒大令遷喬暫離別他年仍賦海棠花

治晚靳曾坦謹呈

玉輝桂縣長卸任在即有留別詩二十首自愧菲材未能酬和第私衷忤忤難伸倦戀謹湊七

律三章錄呈

鈞座未足言詩藉此以展傾慕而已

清風亮節邁時流小試牛刀徐水遊一片慈雲民愛戴三年化雨士謳謳無才恒荷栽培德

有感頻添離別愁汽笛聲中君去也不容遮道少勾留

計程指日到天津兩袖清風舊葛巾造福三年周部屋留名千古泐眞珉愛遺子產民呼母

美嬌文王政在人四境甘棠休剪伐待公再至綠成陰

治晚趙仲樓未是草

玉翁縣長屢次徵詩詩以厓岸未窺甘于藏拙茲值榮行在即遂亦不避譏誚勉強效顰藉以奉饒不足言詩聊誌依戀之意云耳敬呈

大吟壇教政

自公宰斯邑政績述難周廉讓追劉寵絃歌繼子游燎原初有備

倡設水社

滅頂已無憂創建通橋迹

近陶彭澤歸歟孰可留

久沐恩膏下忘懷不自知忽驚瓜代日正是黍離時民已歌來暮公應訂後期攀轅苦無計
權貢去思詩

徐水商會會長李訥未是草

恭步

玉輝桂縣長留別詩原韻繕呈

大鑒壇郢致

政簡刑清未賦閒時深體恤小民艱

公視民飢寒盡心竭力籌辦賑饒事宜

三年治化洵稱最全豹於茲露一斑

徐水留別詩存

雷封百里保民安偶賦佳章更足觀接近班門微和韻

公賦海棠重開及悼亡詩並皆佳妙均微和韻印存

滿城桃李屬

春官

事昭公允判民刑曲直真如鑑照形成頌政平兼訟理

縣屬各村會製政平訟理之傘頌公

何需屈軼草生庭

古遂民方樂永綏

徐水古名古遂又名武遂

割雞小事那堪爲地同枳棘難棲鳳有口皆碑惠永遺

學孝成誨勸庶民

公會印送勸學勸孝兩詞

崑崙感化敬如神縱觀當世循良吏公屬叢中第一人

籌成苗圃植成林

苗圃地基款項公極力籌畫並成立林業會領發樹秧識民栽植

武遂將來利賴深願彼愚氓毋剪伐追思召伯

憩棠陰

東西南北任縱橫到處民咸樂太平

公官辦理天津警務長蘆高練唐山警務均有政聲而徐水爲最著

願率兒童乘竹馬迎來再爲

省春耕

徐澤萍漕號四河疏通灌漑利民多

公素重水利徐澤萍漕等河均經疏通以資灌漑

倘逢水旱災堪免富庶民咸頌太

和

深歎英雄屈抱關

公非百里才宰縣不啻抱關

腰因斗米豈能彎文章自古能經世用舍行藏總一般

暫改公廳作議廳公改會客廳爲議事廳凡有要政招集紳民議決施行創行自治實堪型賢侯一切維新政集韻成詩當

勒銘公留別詩歷敘政績毫無飾詞

選舉曾經六七回金錢運動不須猜民國選舉已經六七回純屬金錢主義運動甚力而徐水猶次之試觀民國當權者無一非從

勢利來

輝煌美玉豈尋常待價津門亦不妨公號玉璫今竟調津何異待價而沽預卜高陞能指日好音惠我士農商

時值中秋月正圓紳民饒別意難安天街夜色明如許照檢詩囊句若干紳民饒別頌公功德之詩甚多

存心謹慎案詳查咸感佛光照萬家三載庶幾刑措治訟庭花落鼠無牙公宰徐邑雖不能使無訟而北落訟庭聞之詩

頗足當之

上峰書不獻賢能只爲先生直若繩公性直烈爲迪城崔劉訟案觸怒上峯進言省長謂公性直不宜牧民未久調省洵可恨也一路福星眞運使

公典利除害不愧一路福星甘章佳句邁詩僧

但願吳侯率舊章仍思有患預爲防羣稱宋守資姚創善政綿綿布此疆紳民欲行偕冠而公不但願吳侯率舊章仍思有患預爲防羣稱宋守資姚創善政綿綿布此疆許但願新任吳侯率由

舊章則不管唐之姚宋

調津不日即真除漠視升沉意自如兩袖清風廉若此公去任時除詩
雅別無長物亂苗惡莠已全鋤

良善能安莠即除公之行及同民
好惡除莠安良龔黃政績竟相如牧民以此爲金鑑吏治蒸蒸媲美初

賢侯雖去政猶存白叟黃童欲斷魂臥轍攀轅留不得忍聞大旆出梁門徐水古有
銅梁門

月旦評爲政治家三年借寇望何賒頌詞唱澈中秋夜學警紳商叩別頌
詞係張奠之所作忍棄河陽一縣花

中華民國十年陰歷八月十五日
治晚 申自修未定草

昨因瑣務早車旋保

榮行不及恭送留貢拙作二律權餞

台旌備覆醬餚呵呵此頌

玉輝仁兄大鑒壇旅祉

愚小弟湯世晉留頓啟

宦海浮沉數十年且將鹽隱作林泉晉飽晉宦味
現就廳館識荆剛慰生平願分袂仍期後會緣入望苦

岑何日合東趨瀑水幾時還請君盡興譚風月案牘於今已息肩

桂花香滿月輪高時正中秋雄辯驚筵意氣豪燈下辱臨暢談甚快難得四民無芥蒂允推一代振風騷公嘗詞章

每與士紳唱和欲知遺愛觀堂壁政績備載臥碑爲解離懷仗濁醪此去津沽如憶舊好音時錫莫辭勞

玉輝仁兄去任徐水將返津門詩以餞之即乞

大鑒壇晒政

武進湯世晉未是草

小試牛刀效已彰絃誦雅化被銅梁詩存唱和才超白公因署內海棠重開會吟詩徵和印而存之政尙寬和績邁

黃三載論囚平肺石萬家生佛祝心香輿情正擬資長治美玉何能韞匱藏公號玉輝調省何異玉藏於匱然公

學優功最何縮久藏乎

忽聞解組去梁門時值中秋餞邑尊何日兒童迎載道悵令父老泣攀轅萊公不許羣黎惜

紳民聞公調津羣欲倍寇公不許杜母常施再造恩公廟案凡情有可原者每緩訊以待和解而全名譽真恩同再造矣莫學鄧侯思夜遁重將舊政對

新論

治晚中自修就政草

徐水歸別詩存

辛酉中秋

玉輝縣長交卸徐水篆務榮行有日酌饒口占七律二首聊誌戀忱即呈

大陰壇晒政

三年永日每相將愧乏名園效辟疆豈是秋風教憶鱸且於良夜勸飛觴自慚離務羈身久
代幸編氓受澤長此去問君垂念否衙齋手植有甘棠

秋風容易動鄉思況值臨歧餞別時客裏那堪頻送遠他年何處再相期口碑載道詞無異
心簡因人諒不遲行李一肩琴鶴外梁門滿牋錦囊詩

析津張青選沐是草

浣誦

大作愧弗克當勉步原韻留誌鴻雪

叨擾郇厨進酒將無才空負入其疆不教淡食頒鹽菜叠賜食鹽每設瓊筵醉羽觴盛饌離務興

隆欽佩久宰官曠廢愧方長別離轉瞬應相見再與君吟秋海棠此花正開

卸任從容靡所思形骸放浪此其時三年徐水初言別再會津沽正可期移住天津處事赤心應
去早欺人白髮肯稍遲西來瀑派流千里不及先生送我詩

津門寓公桂老辛拜和

屢酬

佳作未盡所懷再呈七律二章以紓縉戀之思伏維

垂鑒勿

怪瑣瀆是幸

官民一體兩交歡
蒸地分離益慨歎
此日編氓難借寇
何年山斗再瞻韓
真情流露詩如話
惠政移風猛濟寬
垂老尙期重聚首
汀沽東望路漫漫

懋功懋賞不容刊
仕路乘除有別端
立志只期頽俗易
違心取悅上峰難
光陰逝水爲歡短
蔽芾甘棠布蔭寬
一曲驪歌一杯酒
行旌尤冀少盤桓

袁鳳藻再呈草

拜讀

雅叶桃花潭水不及

先生送我之情感佩之餘信筆湊成原韻不知是詩是話尙乞

斧政爲荷

如斯大局實難歡作別何須發浩歎雄長互爭如七國附庸只恐效三韓平妄卸職真微倖
曠廢無辜更覺寬惟祝高年詩興好重來豈阻路漫漫

佳章不日付剖刊

悼姜徵詩
大作第一

結習吾人此一端韻鬪尖叉伸手易行爲卑鄙折腰難愧無建

樹心胸窄幸得歸田境遇寬多謝珠璣臨別贈郵筒唱和即盤桓

民國十年辛酉秋八月十日酉刻

古秋浦桂老辛拜和

交卸後約邑中高士杯酒言歡口占

肥遯鳴高不染塵欲親雅範敢延賓席間只可談風月我亦天涯散誕人

桂老辛拜上

案不能詩昨回 數舍捧讀佳章因占俚語以應卽希

大教指正

從來廉吏竄生塵卻篆偏招北海賓德政不言民且誦一吟樂只一懷人

陳桂齡

謹和

口占藉伸感慨卽希

垂鑒不勝欽依

飢驅碌碌走風塵壯歲嘗爲入幕賓病服老年甘伏櫪從知臣少不如人

袁鳳藻病榻口占

恭叨盛饌而高士二字絕不敢當席間見陳袁二老皆有和章因勉成俚語自述賤務以博

一哂

扇車手運蕩飛塵報到

徐水留別詩存

賢侯請作賢披拂布衣趨盛宴歸來仍是執機人

謝慶誥拜和

玉輝縣長以約邑中高士杯酒言歡口占七絕見

示勉步原韻二首敬呈

哂政

秋高露下挹纖塵錦署開筵集主賓樽酒之間見操守治人竟不食於人

舊廬十稔已生塵回憶曾爲入幕賓

曾前縣長邀入幫辦統計

今日寵招賓公意愧無高士與畸人

古梁門張璠未是草

和縣長口占七絕一首步原韻

賤軀衰朽混風塵自愧難儕座上賓寵召忽承賢令尹開筵也作醉歸人

古遂劉世承貢草

和縣長七絕一首步原韻

清風兩袖邁羣塵

邑宰開筵款待賓三載政成民頌德愧無才學效同人

徐水劉繼承貢草

謹和

縣長七絕一首步原韻恭呈

鈞鑒

無德無才混俗塵寧承招飲作來賓席間談笑休辭醉自愧終爲學稼人

徐水劉樹翰貢稿

橫茅伏處畏風塵渥荷垂青俾作賓多病此身辜厚意自知無愧是山人

玉輝先生攝篆斯邑三載於茲麟以鄉居距城較遠曾未識荆近聞

榮陞有期乃蒙折簡招飲口占一絕藉鳴謝悃

西黑山村靳應麟並汀氏拜上

徐水劉別詩存

二十三

頃奉

佳章尋承

寵召迴環莊誦感荷良深本擬趨侍

華筵藉聯

雅教不圖朶頃無福賤軀連日稍覺不適方命之愆自知不免惟有心領心謝焉而已
清風兩袖淨無塵座上常留北海賓滿載錦囊賦歸去先生不愧詩人
一識荊州後三生幸有緣與君從此別相會在何年

靳曾培養田氏拜上

九月七日交卸十日新任催膳房屋十二日又函索內院東西廂因眷屬在內有感云
催膳官舍易東翁男女湑居吳下風雖是大同新世界余家眷屬不開通

北
華
印
刷
局
承
印
京
門
前

2 895

8